



Allakkiaq

02-08-2024
Suliap normua: 2023 - 3964
All. normua. 93228328

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Isummernissamut tunngavissiamut ilanngussaq - Nalunaarasuartaatitigut atassuteqarneq nalunaarasuartaatigullu kiffartuussinerit pillugit Inatsisartut inatsisaata allangortinneqarnera pillugu 2024-mi illup iluani, tamanullu ammasumik tusarniutiginerani illup iluani tusarniaaneq pillugu allakkiaq.

Siunnersuut piffissami 16. januar 2024-miit 23. januar 2024-mut Naalakkersuisut Siulittaasuata Naalakkersuisoqarfiani, Aningaasaqarnermut Akileraartarnermullu Naalakkersuisoqarfimmi kiisalu Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfimmi tusarniutigineqarsimavoq.

Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik oqaaseqaateqanngilaq.

Siunnersuut piffissami 29. april 2024-miit 27. maj 2024-mut ukununnga tamanut tusarniaassutigineqarpoq:

- Naalakkersuisut Siulittaasuata Naalakkersuisoqarfia
- Aningaasaqarnermut Akileraartarnermullu Naalakkersuisoqarfik
- Naalagaaffinngornissamut Nunanullu Allanut Naalakkersuisoqarfik
- Aalisarnermut Piniarnermullu Naalakkersuisoqarfik
- Isumaginninnermut, Ilaqutariinnut, Suliffeqarnermut Nunamullu Namminermt Naalakkersuisoqarfik
- Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik
- Aatsitassanut Inatsisillu Atuutsinneqarnerannut Naalakkersuisoqarfik
- Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik
- Meeqqanut Inuusuttunullu Naalakkersuisoqarfik
- Peqqissutsimut Naalakkersuisoqarfik
- Nalunaarasuartaateqarnermi Aqutsisut
- Digitalinngortitsinermt Aqutsisoqarfik

- Kommune Kujalleq
- Kommuneqarfik Sermersooq
- Qeqqata Kommunia
- Kommune Qeqertalik
- Avannaata Kommunia
- KANUNUPE
- Nusuka
- Kalaallit Nunaanni Sulisitsisut
- Tusass A/S
- Comby A/S
- Greenland Television (GTV)
- Nanoq Media
- Inu:IT
- Ilisimatusarnermi attaveqaatit
- Aasiaat radioat
- Issittumi Sakkutooqarfik

Siunnersuut aamma piffissami 30. april 2024-miit 27. maj 2024-mut Naalakkersuisut tusarniaanermi nittartagaanni tamanut ammasumik saqqummiunneqarsimavoq.

Kommune Qeqertalimmiit, Aningaasaqarnermut Akileraartarnermullu Naalakkersuisoqarfimmiit, Tusass A/S-imiit, Isumaginninnermut, Ilaqutariinnut, Sulisoqarnermut Nunamullu Namminermut Naalakkersuisoqarfimmiit aamma Meeqqanut Inuusuttunullu Naalakkersuisoqarfimmiit tusarniaanermi akissutinik tiguisoqarsimavoq.

Tusarniaanermi akissutini tiguneqartuni ajornartorsiutit Ineqarnermut Attaveqaasersuutinullu Naalakkersuisoqarfiup oqaaseqaatai naalisarneqarlutik uingasumik allanneqarlutik tulliuuttumi misissorneqarput.

Kommuneqarfik Qeqertalik isumaqarpoq § 1, imm. 2, nr. 2-p allineqarnissaanut siunnersuut nunami ajunaalernerni isumannaallisaanikkullu sullissinerit ilaatilerlugit oqaasertalerneqarnera ajornakusoortoq, tassa § 1, imm. 2 Kunneqarfik Danmarkimiit tiguneqartut sullissinerit sanaartukkallu sullissinerniit sanaartukkaniillu tiguneqanngitsunit immikkoortinniarlugit oqaasertalerneqarnikummat. Tamanna Aasiaat Radioanut tiguneqanngitsumut kingunerlutsitsisinnaananeranut kommuni ernumassuteqarpoq.

Inatsisartut inatsisaanni matumani siunertaq taamaallaat tassaavoq nunami ajunaalernerni isumannaallisaanikkullu sullissinernik innuttaasut atuisinnaanerisa inatsisinut naapertuutilernissaa. Aalajangersakkap annertusineranut taamaallaat pineqarput immikkoortut Namminersorlutik Oqartussat kisermaassisuuffianut ilaanngitsut. Aalajangersakkap taamaalilluni kingunerinngilaa imaatigut

ajunaalernerni isumannaallisaanikkullu sullissinernik Namminersorlutik Oqartussat tigussasut.

Kommune Qeqertalik isumaqarpoq nioqqutissat pisiortortarfiillu aalajangersimasut inatsisip nassuiaataani ajunaalernerni isumannaallisaanikkullu sullissinerit nassuiarnerini eqqaaneqarneri tulluannigitsuusoq. Kommunimit siunnersuutigineqarpoq nalinginnaasumik siunertamillu tunngaveqartumik nassuiaateqassasoq.

Naalackersuisunit maluginiarneqarpoq aalajangersakkamut nassuiaatini nalinginnaasumik siunertamillu tunngaveqartumik nassuiaateqartoq. Assersuutit aalajangersimasut nassuiaammut iluaqutaasutut allanngortinneqanngillat. Taakku assersuutaaneri malugeqquneqarpoq.

Kommune Qeqertalik isumaqarpoq nunap ilaani amigartooruteqartunut ikiorsiinissamut tunngavissiineq pisariaqanngitsoq, tassa akitigut naligiissarinerup aningaasalersornissaata qulakkeerneqarnissaanut erseqqissumik paasinartumillu inatsimmi atuuttumi tunngavimmik atuuttumik peqareermat. Kommune Qeqertaliup akigititanik naligiissanerit ammasumik aamma kinaassusersiunngitsumik piumasaqaataallutik ingerlanneqassanngippata ajortumik kinguneqaratarsinnaanera ernummatigaa. Akigititanik aalajangiiniarnermi piumasaqaatit ersarlunneri pillugu oqimaaqatigiinnginnerit pilersinnaasarpur, innuttaasunut aamma suliffeqarfinnut innarliisinnasumik, ingammik nunap immikkoortuini isorliunerusuni inissisimasunut tunngatillugu. Aalajangiisuunerpaavoq akigititanik nalimmassaanerit suulluunniit peqataasunut tamanut naapertuuttumik aamma paasinartumik ingerlanneqarnissaat, attaveqaasersuutit suliaqartunut tatiginninneq paariinnarniarlugu aamma isumannaarniarlugu innuttaasut nunap immikkoortuini sumiluunniit inissisimasut attaveqaasersuutitigut sullissisutitut tatiginartunut aamma akilersinnaasunut attaveqarnissaat isumannaarneqarnissaa.

Pilersuisuunissamut pisussaasumut toqqaanissamut periarfissamut innersuussisoqartoq ilimagineqarpoq. Nassuiaatini allaaserineqartutut, allaffissornikkut aningaasartuutitut niuerfimmilu unammilleqatigiinermut ajortumik sunniutinut nallersuullugu aaqqiineq naleqqussorineqanngilaq. Nalunaarasuartaateqarnermi aningaasalersuinerup akitigullu naligiissarinerup ammanerusumik ingerlanissaata qulakkeerneqarnissaa Naalackersuisut sulissutigaat. Tamanna kingusinnerusukut siunnersuusiornermik kinguneqarumaarpoq. Taamaattumik allannguisoqanngilaq.

Aningaasaqarnermut Akileraartarnermullu Naalackersuisoqarfiup siunnersuutigaa najukkami tamanik pilersuinermit sumiiffinni immikkoortunut aningaasartuutit tamanut saqqummiunnissaannut Tusass pisussaaffilerneqassasoq.

Tusass qinnuigineqarpoq, siunnersuutip kingunerisaanik naliliissasoq. Tusass ilisimatitsivoq Tusassimi ullumikkut aaqqissuussinerit suleriaatsillu najukkat ataasiakkaarlugit immikkoortunut aningaasartuutit naatsorsornissaanut aaqqissuunneqarsimangitsut. Naatsorsuinermi najukkanut ataasiakkaanut

toqqaannartumik toqqaannangitsumillu aningaasartuutit tamaasa nalunaarsornissaannik pisariaqassaaq. Tusass taamaattumik naliliivoq najukkanut ataasiakkaartumik immikkoortumi aningaasartuutinik naatsorsuineq suliassaasoq annertoq, sulisunik amerlanernik atorfinitsitsinermik aaqqissuussinernillu tulluarsaanissamik pisariaqartitsisussaaq. Sulinerup taassuma kingunerissuaa suliffeqarfimmi ingerlatsinermi aningaasartuutit qaffanneri. Amigartooruteqartunut ikiorsiinerup paasiuminartunngortinnissaa tulluassasoq, immikkoortunili aningaasartuutit naatsorsornissai piffissami maannakkut aningaasartuuteqarfiuallaassasut nalilernerqarpoq. Inatsisartut inatsisaannik ataatsimut nutarterinissaa Naalakkersuisut sulissutigaat, ilaatigut Tusassimi allaffissornikkut aningaasartuutit tamarmiusut qaffanngikkaluarlugit qanoq annertunerusumik paasiantumik ingerlatsinermik pilersitsisoqarsinnaanera misissorneqarluni. Taamaattumik siunnersuummi tassani allannguisoqanngilaq.

Aningaasaqarnermut Akileraartarnermullu Naalakkersuisoqarfik isumaqarpoq pilersuisussamik toqqaasoqarneratigut ungasissumiit attaveqaatinut akitsuutit unammilliissutaanerisa aningaasaqarnikkut kingunissai annertussusilerneqartariaqartut.

Pilersuisussamut toqqaaneq maannakkut pissutsinut naleqqiullugu allannguineruvoq annertoq. Siunnersuut inatsimmi allannguinissamut siunnersuutigineqartumut toqqaannartumik akerliuvoq. Allannguutissatut siunnersuut taamaallaat 2024-mut Aningaasanut inatsimmi oqaasertaliussani maannakkut tunngavissiisup assinganik akitigut naligiissaarinnissamut tunngaviliivoq. Pilersuinissamut pisussaaffik annertuutigut iluaqusiissanngitsoq nalilernerqarmat, unammilleqatigiinnermut kingunerluutit annertussusilernerinik misissueqqissaarnissaaq pisariaqarsorineqarsimanngilaq.

Aningaasaqarnermut Akileraartarnermullu Naalakkersuisoqarfik isumaqarpoq Kommune Kujallermut, Kommuneqarfik Sermersuumut, Qeqqata Kommunianut aamma Namminersorlutik Oqartussanut, siunnersuummi inassuteqaammut tapersersuisunut naleqqiullugu naleqartitsisunik iluaquteqassasoq.

Avannaata Kommuniani aamma Kommune Qeqertalimmi nalunaarasuartaateqarnikkut annikinnerusumik aningaasartuuteqarnermik akitigut naligiissarineq kinguneqassasoq siunnersuummi nassuiaatini allanneqartumut naleqqiullugu oqaaseqaat isigineqassaaq, tassa taakku sakkortusaaviit qaammataasakkullu atassutitigut akisunerusuniit sullinneqarmata. Kommune Kujallermut, Kommuneqarfik Sermersuummut, Qeqqata Kommunianut aamma Namminersorlutik Oqartussanut siunnersuutip aningaasaqarnikkut sunnuteqarneranik taamaaqataanik nalilersuisoqarsinnaanngilaq. Akitigut naligiissarinerup kingunerisaanik pisortani oqartussat akornanni ilaatigut allatut agguasoqassaaq, taakku nalunaarasuartaatinik atuinerat, nunami inissisimanerat akitigullu naligiissarinerup ilusilersornera tunngavigalugit. Taamaattumik akitigut naligiissarisooqarluni naligiissarisooqarnanilu nalunaarasuartaateqarnermut pisortat aningaasartuutaasa assersuunnissaannut

annertuumik suliaqartoqarnissaanik tamanna pisariaqartitsissaaq. Siunnersuut pisortani oqartussanut imaluunniit atuisunut allanut nalunaarasuartaateqarnikkut aningaasartuutit allanngornerinik kinguneqassangatinneqanngilaq, tassa siunnersuut tassaammat kontomut pingaarnermut 72.20.08-mut oqaasertaliussamik ingerlatitseqqinneq.

Taakku saniatigut Tusassimiit tusarniaanermi akissut tiguneqarsimavoq, taanna allalluni siunnersuummut isumaqataalluni taamaattumillu allanik oqaaseqaatissaqarnani. Isumaginninnermut, Ilaqtariinnermut, Sulisoqarnermut Nunamullu Namminermut Naalackersuisoqarfik aamma Meeqqanut Inuusuttunullu Naalackersuisoqarfik akipput oqaaseqaatissaqarnatik.